

▶▶ শিলিগুড়ি থেকে রাধিকাপুর প্রথম ডেমু ট্রেন পরিষেবা চালু হচ্ছে। রায়গঞ্জ স্টেশন ম্যানেজার রাজু কুমার বলেন, ২৯ নভেম্বর বিকেলে শিলিগুড়ি জংশন থেকে ট্রেনটি ছাড়বে।



বালুরঘাটে অধ্যক্ষ ঘেরাও

বালুরঘাট, ২৪ নভেম্বর : খোদ কলেজের অধ্যক্ষ বিরুদ্ধে আর্থিক তহবিলের অভিযোগ তুলে মুখ্যমন্ত্রী, শিক্ষামন্ত্রীর দ্বারস্থ হল তৃণমূল ছাত্র পরিষদের বালুরঘাট কলেজ ইউনিট। তাদের অভিযোগ, কলেজের উন্নতির জন্যে বরাদ্দ টাকার নয়ছয় হয়েছে। এই ঘটনার তদন্ত চাইছে টিএমসিপি। এদিন এই অভিযোগে তুলে অধ্যক্ষকে ঘরে আটকে বিক্ষোভও দেখানো হয়। এই ঘটনা ঘিরে এদিন ব্যাপক উত্তেজনা ছড়ায় বালুরঘাট কলেজ ক্যাম্পাসে। তবে ছাত্রদের আন্দোলন নিয়ে চরম বিরক্ত অধ্যক্ষ পঙ্কজ কুণ্ডু। তিনি বলেন, 'কিছু ছাত্র

কলেজের বিভিন্ন বিভাগের আসন বৃদ্ধি, পরিকাঠামো উন্নয়ন সহ নানা দাবি নিয়ে আন্দোলনে নেমেছি। কলেজের উন্নয়নে বরাদ্দ করা অর্থ নয়ছয় করার জন্যে তদন্ত দাবি করেছি।

সুরজ সাহা, তৃণমূল ছাত্র পরিষদ

কোভিডবিধি মানছিল না। তা নিয়ে শাসন করেছিলাম। সে জন্যেই এমন ভিত্তিহীন অভিযোগ তুলছে ওরা। দুপুরে আচমকা কলেজ ক্যাম্পাসে আন্দোলন শুরু করে তৃণমূল ছাত্র পরিষদ। তারা প্রথমে অধ্যক্ষের ঘরের সামনে ও পরে ভেতরে ঢুকে শ্লোগান দিতে থাকে। আটকে রাখা হয় অধ্যক্ষকে। পরে একটি লিখিত দাবিপত্র দেওয়া হয় অধ্যক্ষকে। ওই দাবিপত্রটি পাঠানো হয় মুখ্যমন্ত্রী, শিক্ষামন্ত্রী ও কৃষি বিপণন মন্ত্রীর। তৃণমূল ছাত্র পরিষদ নেতা সুরজ সাহার বক্তব্য, 'কলেজের বিভিন্ন বিভাগের আসন বৃদ্ধি, পরিকাঠামো উন্নয়ন সহ নানা দাবি নিয়ে আন্দোলনে নেমেছি। কলেজের উন্নয়নে বরাদ্দ করা অর্থ নয়ছয় করার জন্যে অধ্যক্ষ বিরুদ্ধে তদন্ত দাবি করেছি।

সূর্যোদয়ের আগেই নিরঞ্জন

পুরাতন মালদা, ২৪ নভেম্বর : গভীর রাতে পুরাতন মালদা পুরসভার ২০ নম্বর ওয়ার্ডের মঙ্গলবাড়ি মির্জাপুর ঘাটে অনুষ্ঠিত হল রক্ষাকালীপূজা। ভক্তরা সন্ধ্যাপূর্ণ থেকে শোভাযাত্রা সহকারে গঙ্গাজল নিয়ে আসেন। মাঝরাতে প্রতিমা তৈরি করে পূজা দেওয়া হয়। আবার সূর্যোদয়ের আগেই প্রতিমা বিসর্জন হয়ে যায়। পূজা কমিটির কর্মকর্তা হেটন মণ্ডল জানান, '২০০৩ সাল থেকে এই পূজা শুরু হয়।

অ্যামাজনের ম্যাকাও দেখতে কুলিকে ভিড়

দীপঙ্কর মিত্র
রায়গঞ্জ, ২৪ নভেম্বর : কিছুদিন আগে বালুরঘাট থেকে উদ্ধার হয়েছিল একজোড়া ব্লু-গোল্ড ম্যাকাও। চোরচালানকারীদের হাত থেকে পাখি দুটিকে উদ্ধার করতেই শহরে শুরু হয়ে গিয়েছিল হইহই কাণ্ড রইরই ব্যাপার। এবার সেই উদ্ধার হওয়া জোড়া ম্যাকাও জায়গা পেল রায়গঞ্জ পাখিরালয়ে। ম্যাকাও নামটি পাখিপ্রেমীদের কাছে একটি অতিপরিচিত নাম। অ্যামাজনের জঙ্গলের বাসিন্দা এই পাখি। সবচেয়ে বড় আকৃতির এই তোতা পাখিটি বর্ণালি পালক, বুদ্ধিমত্তা ও আকর্ষণীয় ভঙ্গিমায় কথা বলার জন্য বেশ খ্যাতি।

১৪ নভেম্বর চালানকারীদের হাত থেকে পাখি উদ্ধার করে বালুরঘাট থানার পুলিশ। ২৩ নভেম্বর বালুরঘাট থেকে উদ্ধার হওয়া ব্লু-গোল্ড ম্যাকাও দুটি নিয়ে আসা হয় রায়গঞ্জ পাখিরালয়ে। নীল ডানা ও লেজ বিশিষ্ট পাখি দুটি প্রথম দেখাতেই নজর কাড়ে। সোনালি রং ও মাথার দিকে সবুজ আভায পাখি দুটির সৌন্দর্য পর্যটকদের মন কাড়ছে। ম্যাকাও দেখতে এখন কুলিক পাখিরালয়ে উপচে পড়ছে ভিড়। বন দপ্তর সূত্রে জানা গিয়েছে, 'বালুরঘাট থেকে এই পাখিগুলো চোরাই পথে বিক্রি হওয়ার সময় উদ্ধার করে পুলিশ। এরপর ওই পাখিগুলোকে তুলে দেওয়া হয় রায়গঞ্জ বনবিভাগের হাতে।' পাখিপ্রেমী শ্রদ্ধ শংকর নাগের কথায়, 'স্কারলেট ম্যাকাও হচ্ছে ম্যাকাও প্রজাতির সবচেয়ে সুন্দর পাখি। বাহারি রং, ঘন কালো চোখ, চোখের নিচে সাদা

সাফল্যের পাসওয়ার্ড

পড়াশোনা

ডিসেম্বর থেকে প্রতি বৃহস্পতিবার

উত্তরবঙ্গের আত্মার আত্মীয় উত্তরবঙ্গ সংবাদ

যুবক-যুবতী মদ্যপ ছিলেন, ময়নাতদন্তের পর দাবি পুলিশের শুনসান মালদা বিমানবন্দর


হরষিত সিংহ • মালদা

২৪ নভেম্বর : জোড়া মৃতদেহ উদ্ধারের পর থেকে শুনসান মালদা বিমানবন্দরের রানওয়ে। বুধবার ভোরে প্রাতঃসময়কারীদের দেখা মেলেনি। বুধবার সকালে দেখা নেই কোনও বাইক রাইডারের। গোট্টা রানওয়ে পুরোপুরি নিঃশব্দ। এদিকে ময়নাতদন্তের রিপোর্টে পুলিশ জানতে পেরেছে, মৃত যুবক-যুবতী, দু'জনের পাকস্থলীতেই মদের সন্ধান মিলেছে।

মঙ্গলবার জোড়া মৃতদেহ উদ্ধারের খবর চাউর হতেই বিমানবন্দর চত্বর ফাঁকা হতে শুরু করে। তেমনটাই জানাচ্ছেন স্থানীয় বাসিন্দারা। বুধবার দিনভর সদর দরজা খোলা থাকলেও বিমানবন্দর থেকে মুখ ফিরিয়েছে বাইকার এবং প্রাতঃসময়কারীরা। বিমানবন্দরের ভিতরে মানুষের আনাসোনা বন্ধ হওয়ায় দেখা যায়নি কোনও দোকানও। পুলিশসূত্রে জানা যাচ্ছে, ময়নাতদন্তের রিপোর্টে মৃত যুবক-যুবতীর মদ্যপ থাকার প্রমাণ মিলেছে। মদ্যপ অবস্থায় রাতে রানওয়েতে বাইক রেসিং করতে গিয়ে দুর্ঘটনার কলে পড়ে তাঁদের মৃত্যু হয়েছে বলে ধারণা পুলিশের। তবে ইংরেজবাজার থানার পুলিশের তরফে এখনও ঘটনার তদন্ত করা হচ্ছে। আইসি আশিস দাস জানিয়েছেন, 'ময়নাতদন্তের রিপোর্ট আমরা হাতে পেয়েছি। দু'জনেই মদ্যপ অবস্থায় ছিলেন। মদ্যপ অবস্থায় বাইক রেসিং করতে গিয়েই দুর্ঘটনায় ওই যুবক-যুবতীর মৃত্যু হয়েছে। তবে ঘটনার তদন্ত চলছে।' উল্লেখ্য, মঙ্গলবার সকালে মালদা শহরে থাকা বিমানবন্দরের ভিতর একজোড়া দেহ পড়ে থাকতে দেখেন প্রাতঃসময়কারীরা। ঘটনাকে কেন্দ্র করে গোট্টা এলাকায়

ব্যাপক চাক্ষুণ্য ছড়িয়ে পড়ে। পুলিশ দেহ দুটি উদ্ধার করে। পুলিশ ও পরিবার সূত্রে জানা যায়, মৃত যুবকের নাম রিগ দাস (২২)। বাড়ি ইংরেজবাজারের বাগবাড়ি দুর্গাপল্লি এলাকায়। যুবতীর নাম সাহিকা রায় (১৮)। বাড়ি স্থানীয় তেলিপুকুর এলাকায়। সাহিকা এবছর উচ্চমাধ্যমিক পাশ করেছেন। মৃতদেহের সঙ্গে একটি বাইক উদ্ধার হয়। প্রাথমিক তদন্ত করে পুলিশ জানায়, বাইক দুর্ঘটনায় তাঁদের মৃত্যু হয়েছে। তবে পরিবারের লোকদের দাবি ছিল, পরিকল্পনামাফিক দু'জনকে খুন করা হয়েছে।

এই ঘটনার পর পুলিশ তৎপর হলেও বিমানবন্দর কর্তৃপক্ষ এখনও পর্যন্ত নিরাপত্তার কোনও ব্যবস্থা নেয়নি। বিমানবন্দর চত্বরে যে অফিস রয়েছে সেটিও পরিত্যক্ত অবস্থায় পড়ে রয়েছে। সীমানা প্রাচীর একাধিক জায়গায় ভেঙে পড়েছে। ভাঙা অংশ দিয়ে স্থানীয়রা নিয়মিত যাতায়াত করছেন। বিমানবন্দর কর্তৃপক্ষ তাদের অফিস ও সদর গেটেও কোনও নিরাপত্তারক্ষী মোতায়েন করেনি। ফলে সেখানে মানুষের অবাধ যাতায়াত। বিমানবন্দরের পরিত্যক্ত অফিসে অসামাজিক কাজকর্ম চলতে পারে বলে আশঙ্কা স্থানীয় বাসিন্দাদের। স্থানীয় বাসিন্দা দীপঙ্কর বিশ্বাস বলেন, 'জোড়া মৃতদেহ উদ্ধারের পর মানুষ আর বিমানবন্দরে ঢুকছে না। দু'দিন ধরে মানুষের প্রবেশ বন্ধ রয়েছে। আমরা চাই পুলিশ ও বিমানবন্দর কর্তৃপক্ষ এখানে নিরাপত্তা সুবিস্তৃত করুক।' ইংরেজবাজার থানার আইসি আশিস দাস বলেন, 'আমরা নিয়মিত বিমানবন্দর চত্বরে টহলদারি চালাব। তবে বিমানবন্দর কর্তৃপক্ষকেও তাদের তরফে প্রয়োজনীয় ব্যবস্থা গ্রহণ করতে হবে।'



স্থানীয় বাসিন্দার কথা

জোড়া মৃতদেহ উদ্ধারের পর মানুষ আর বিমানবন্দরে ঢুকছে না। দু'দিন ধরে মানুষের প্রবেশ বন্ধ রয়েছে। আমরা চাই পুলিশ ও বিমানবন্দর কর্তৃপক্ষ এখানে নিরাপত্তা সুবিস্তৃত করুক।

দীপঙ্কর বিশ্বাস

আমরা নিয়মিত বিমানবন্দর চত্বরে টহলদারি চালাব। তবে বিমানবন্দর কর্তৃপক্ষকেও তাদের তরফে প্রয়োজনীয় ব্যবস্থা গ্রহণ করতে হবে।


আশিস দাস
আইসি, ইংরেজবাজার থানা

বৌভাতের মেনু কার্ডে হোয়াটসঅ্যাপের গসিপ

রাহুল দেব

রায়গঞ্জ, ২৪ নভেম্বর : এবার বিয়েবাড়ির মেনু কার্ডেও হোয়াটসঅ্যাপ! না, খাবারের তালিকা ছবি তুলে হোয়াটসঅ্যাপে পাঠানোর কথা বলছি না। বৌভাতের টেবিলে মেনু কার্ডে দেখা গেল হোয়াটসঅ্যাপের কথোপকথন। খাবার মেনু বর ও কনের হোয়াটসঅ্যাপ চ্যাটে তুলে ধরা হয়েছে। অভিনব মেনু কার্ড নজর কেড়েছে আমন্ত্রিতদের। সোশ্যাল মাধ্যমে অনেকের প্রশংসা পেয়েছে। রবিবার রায়গঞ্জের বীরনগরের বাসিন্দা সুদীপ

সেনের সঙ্গে বিবাহ বন্ধনে আবদ্ধ হন বালুরঘাটের নারায়ণপুরের টিনা দেব। মঙ্গলবার ছিল তারই বৌভাত। শহরের বীরনগর এলাকার এক বেসরকারি ভবনে বৌভাতের আয়োজন করা হয়। বৌভাতের অনুষ্ঠানে কেউ বর ও কনের সঙ্গে সেলফি তুলতে ব্যস্ত, নিমন্ত্রিতদের মধ্যে কেউ আবার স্পষ্ট ছবি তুলে সোশ্যাল মাধ্যমে আপলোড করছেন। এরপর খাবার পাতে বসে মেনু কার্ডে হাতে পেতেই অবাক হয়ে যান নিমন্ত্রিতরা। বর ও কনের হোয়াটসঅ্যাপ কথোপকথনকে মেনু কার্ডে তুলে ধরা হয়েছে। কথোপকথনের



একদম ওপরে হোয়াটসঅ্যাপের ডিপি মতো কনে ও বরের প্রোফাইল ছবি। সেখানে কনে বরকে জিজ্ঞাসা করছে, 'আমাদের বৌভাতে কী কী মেনু হচ্ছে? বরের উত্তর- আমাদের বৌভাতে মেনু হচ্ছে স্যালাড, বাটার নান, চিলি পনির, পাটভাজা। কনের টেক্সট মেসেজ-আর কী কী হচ্ছে? বরের উত্তর- আর হচ্ছে সাদা ভাত, ডাল, নবরত্ন, কাতল মাছ, পোলাও, খাপির মাংস, চাটনি। ফের কনের মেসেজ- মিস্ট্রি কী কী আইটেম? বরের রিপ্লাই- মিস্ট্রি আইটেম হচ্ছে গুড়ের মিস্তি, কাঁচা সন্দেহ, ছানার

সেপ্তুরি হাঁকাচ্ছে কাঁচালংকা, ধনেপাতা

রায়গঞ্জ, ২৪ নভেম্বর : হালকা শীতের মরশুমে বাজার করতে গিয়ে হাত পড়ছে কাঁচালংকা। প্রতিটি সবজির দাম এতটাই বেড়েছে যে পকেটে টান পড়ছে মধ্যবিত্তেরা। অগ্নিস্বরের বাজারে গিয়ে সবজি কিনতে ভয় পাচ্ছেন অনেকেই। এর থেকে অনেকটাই সস্তা মাছ ও মাংস। তাই নিরামিষের পরিবর্তে আমিষেই আস্থা রাখছেন ক্রেতারা। তবে আর কিছুদিন পরেই সবজির দাম কমে যাবে বলে আশ্বাস দিয়েছেন পাইকারি বাজারের ব্যবসায়ীরা।

পেট্রোল থেকে ডিজেল, এমনকি গ্যাসের দাম চড় চড় করে বেড়েই চলেছে। তারপর আবার গোসলের ওপর বিষকোড়ার মতো সবজির দাম বৃদ্ধিতে দিশেহারা আমবাঙালি। খুচরো বাজারে কোথাও সস্তায় সবজি পাওয়া যাচ্ছে না। নতুন আলু বিক্রি হচ্ছে ৭০টাকা কেজি দরে। শুধু কি আলু, পেঁয়াজের দাম প্রতি কেজি ৫০টাকা। ফুলকপি ৪০ টাকা, বাঁধাকপি ৩০ টাকা, মুলো ৪০ টাকা, বেগুন ৬০ টাকা প্রতি কেজি দরে বিকোচ্ছে। ইতিমধ্যে সেপ্তুরি হাঁকিয়েছে কাঁচালংকা ও ধনেপাতা। খুচরো বাজারে কাঁচালংকা এবং ধনেপাতার দাম প্রতি কেজিতে ১০০ টাকা ছাড়িয়েছে। এছাড়া বাকি সবজির দামও আকাশছোঁয়া। বাজার করতে এসে হিমসিম খেতে হচ্ছে ক্রেতাদের। ছুটি হোক বা অন্য দিন, প্রতিটি বাজারেই ভিড় উপচে পড়ে। কিন্তু এখন উলটো চিত্র। ছুটির দিনেও সেভাবে ভিড় দেখা যায় না সবজি বাজারে।

এক ক্রেতা সুনীল দাস বলেন, সবজির যা দাম, তাতে হাত দেওয়াই দুস্কর। সেই তুলনায় মাছ বা মুরগির মাংস অনেক কম দামে পাওয়া যাচ্ছে। তাই বাড়িতে যতটা সবজি প্রয়োজন, ঠিক ততটাই কিনছি। কারণ শুধু মাছ, মাংস দিয়ে তো আর খাওয়া যাবে না। সবজির এই দাম যদি না কমে, তবে আগামীতে হয়তো ভাত আর মাছের ঝোল খেয়েই কাটাতে হবে। তবে আর কিছুদিন পরেই এই সমস্যার সমাধান হবে বলে আশ্বাস দিয়েছেন পাইকারি ব্যবসায়ীরা।

চেষ্টার অব কর্মারের সাধারণ সম্পাদক শংকর কুণ্ডু বলেন, 'অধিক বর্ষার কারণে সবজির ফলন কম হয়েছে। ফলে পাইকারি বাজারে আমদানিও কম। তাই দাম বেশি।'

AGNISWAR JEWELLERS

Hallmark Gold, Diamond & Silver Jewellery Showroom

www.agniswarjewellers.com

সোনার গয়নার মজুরীতে ২০% পর্যন্ত ছাড়

হীরের গয়নার মূল্যে সরাসরি ২৫% ছাড়

হীরের গয়নার মজুরীতে ১৫% ছাড়

প্রতি ১০ ০০০/- টাকার কেনাকাটায় আকর্ষণীয় উপহার

Offer Valid From 20th November to 15th December

N.S.Road, Raiganj (Beside Vishal Mega Mart) | agniswarjewellerspvttd@gmail.com | (03523)250001 | www.agniswarjewellers.com